

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), a u vezi sa članom 112. stav 1. Poslovnika Skupštine Zeničko-dobojskog kantona-Prečišćen tekst (“Službene novine Zeničko-dobojskog kantona”, broj 7/12), razmatrajući Inicijativu Općinskog vijeća Kakanj za donošenje Zakona o dopuni Zakona o komunalnim djelatnostima (“Službene novine Zeničko-dobojskog kantona”, broj 17/08), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, 125. sjednici, održanoj dana 19.09.2013. godine,  
d o n o s i

## ZAKLJUČAK

### I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Općinskog vijeća Kakanj, za donošenje Zakona o dopuni Zakona o komunalnim djelatnostima (“Službene novine Zeničko-dobojskog kantona”, broj:17/08).

### II.

Stav Vlade o Inicijativi zajedno sa Mišljenjem iz tačke I ovog zaključka upućuje se u Skupštinu Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_/13.

Datum, 19.09.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,

1x Stručna služba Skupštine,

1x a/a.

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst (“Službene novine Zeničko-dobojskog kantona”, broj:7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

## **MIŠLJENJE**

o Inicijativi Općinskog vijeća Kakanj za donošenje Zakona o dopuni Zakona o komunalnim djelatnostima („Službene novine Zeničko-dobojskog kantona“, broj:17/08), tako što bi se u članu 2. stav 1. riječi “finansiranje građenja” zamijenile riječima “projektovanje građenja”, a u članu 3. iza stava 2. dodala tačka lj) “projektovanje, izgradnja i održavanje komunalne infrastrukture”.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da predmetna Inicijativa nije osnovana iz slijedećih razloga:

Djelatnost projektovanja, odnosno izrada investiciono-tehničke dokumentacije regulisana je odredbama Zakona o građenju (“Službene novine Zeničko-dobojskog kantona”, broj:1/0, 2/08), koji predstavlja lex specijalis kada je riječ o projektovanju, izgradnji i upotrebi građevina.

Odredbama člana 2. Zakona o građenju propisano je da se: “Projektovanjem u smislu ovog zakona, smatra izrada idejnog i glavnog projekta, koji su potrebni za izdavanje urbanističke saglasnosti i odobrenja za građenje, te izrada izvedbenog projekta za građenje i projekta za uklanjanje građevine”, a članom 21. Zakona, propisano je ko može biti projektant i koje su obaveze projektanta.

U stavu 2. člana 21. propisano je da se projektovanjem građevina i drugih zahvata u prostoru može baviti pravno lice registrovano za tu djelatnost, ako pored općih uvjeta ispunjava i uvjet da u radnom odnosu ima najmanje po jednog diplomiranog inženjera, sa položenim stručnim ispitom i pet godina radnog iskustva, odgovarajuće struke za svaku vrstu projekta koji radi (arhitektonski, građevinski, mašinski, tehnološki, elektro itd.).

Odredbama člana 2. Zakona o građenju propisano je da se: “Građenjem u smislu ovog zakona, smatra izvođenje pripremnih radova, građevinskih radova (uključujući građevinsko-završne i građevinsko-instalaterske radove), ugradnja i montaža gotovih građevinskih elemenata, konstrukcija i opreme, te drugi zahvati u prostoru.

Pod građenjem se smatraju i radovi na rekonstrukciji, dogradnji, nadogradnji, sanaciji, promjeni namjene i uklanjanju postojeće građevine”.

Odredbama člana 23. Zakona, propisano je ko može biti izvođač građevinskih radova i koje posebne uslove mora izvođač ispuniti, tako da se djelatnost građenja ne može smatrati komunalnom djelatnosti zajedničke potrošnje.

**MINISTAR**  
**Edin Terzić**